

يالرايد شفاعه اتتال لحسين أخلص النيه
حظك بالحشر مضمون بالخدمة الحسينية

اسمع يالتريد إرشاد عن درب النجا في وين
لا اتشرُّك ولا اتغرب واسأل عن طريقك زين
مالك بالحشر منجى وانت ابعيد عن احسين

انت الخاسر الأكبر وانت ابعرصة المحشر نجاتك عند أبو الأكبر
عقيدته ببو الأحرار عن إسناد مروية

باچر يالتريد اتكون ويا احسين والزهره
لازم تعرف ان احسين لجلك بس بذل عمره
لجلك صدره من انداس وانشال ابرمح نحره

او گدم أهله والنسوان بس لجلك تكون إنسان ابكرامه اتعيش ما تنهان
وما تقبل أبد إذلال من طغمه بني أمية

أهل المعرفة ايگولون نعرف كل شي بأسبابه
وأسباب النجاة احسين بايمانك تدگ بابيه
وأل هنياله من باچر احسين ايسلمه اكتابيه

يوقعه من دمه نحره وختم من أمه الزهره في هالموقف اتحضره
شفيعه للطم صدره عالمذبوح يوميه

معلوم الخدم لحسين يشهد أثر هالخدمه
ابحياته وحتى بعد الموت لا وحشه ولا ظلمه
وابيوم الحشر وياه جنان الباري اتضمه

اسعه يالتريد اتفوز وباجر عالصراط اتجوز واجنان الخلود اتحوز
قصور امذهبه وأنهار باسم احسين مبنيه

احذر لا يگرب ليك وايوسوس لك الوسواس
سفينه للنجاة احسين واشراع الوفه العباس
وباجر في القيامة اتكون رافع بالنجاة الراس

احفظ هالعقايد زين ولا تترك طريق احسين منجاتك في يوم الدين
قضّي عمرک اویا احسين في الخدمه الحسينية